



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 3. An satisfacit præcepto, qui opus illius exequitur actu ex fine vel  
circumstantiâ malo?

**urn:nbn:de:hbz:466:1-40986**

est etiam materia legis. Finis autem præcipi censetur, quoties præcipitur actus faciendus ob certum finem in lege expressum. Hinc si jejunium, vel oratio præcipiatur v. g. ad avertendam calamitatem publicam, jejunans, aut orans, sed non ex hoc fine, non satisfacit præcepto.

*Resp.* III. Si finis extrinsecus à Legislator intentus non præcipiatur, satisfacit præcepto, qui opus præceptum exequitur, & si finem illum non intendat. Quia talis implet id totum, quod præcipitur, tunc enim solùm præcipitur voluntaria executio operis. Evidem lex omnis dirigit ad finem, sed non omnis est de fine ipso. Unde finis præcepti non cadit sub præceptum, quando finis distinguitur ab opere præcepto, nec præcipitur intentio ipsius finis. Hinc satisfacit præcepto jejunii, qui unicam refectionem ex cibis licitis sumit, licet non intendat macerare corpus: quia hæc intentio non præcipitur ab Ecclesia.

*Q. 3. An satisfacit præcepta, qui opus illius exequitur actu ex fine, vel circumstantia malo?*

*Not.* Agitur hîc de lege humana. Nam Lex naturalis prohibet quemlibet finem, & modum agendi pravum, utpote disstaneum naturæ rationali, præcipitque finem

nem honestum, & modum convenientem in omnibus actibus liberis; nam præcipit, ut homo semper vivat, seu agat honestè, id est, decenter, ac conformiter naturæ suæ rationali, quâ rationalis est, ac proinde præcipit id omne, quod necessarium est ad sic agendum. Sed ad agendum honestè, & decenter naturæ rationali ut rationali, necesse est, ut non solum actus præceptus fiat, sed etiam ut modo convenienti, in circumstantiis debitiss, & propter finem honestum fiat. Quare homo lege naturali tenetur observare omnia præcepta humana rectè, convenienter, & ob finem honestum, idèque actu bono, & honesto.

*Resp.* I. Non satisfacit præcepto, qui facit opus cum peccato repugnante substantiæ præcepti, aut illud facit sine ea honestate, ac rectitudine, quæ à Superiore expressè præcipitur, vel essentialis est actui præcepto: nam tunc non fit id totum, quod præcipitur.

*Resp.* II. Quando honestas, ac rectitudo non est essentialis actui externo, neque expressè præcipitur à Superiore, sine ea satisfat præcepto humano. Quia tunc sine ea ponitur id totum, quod præcipitur ab homine; & actus vitiatur tantum per peccatum præcepto accidentarium: unde retinet bonitatem, ac speciem moralem objectivam lege intentam. Sic miles fortiter

G 5 pu-

pugnans ex vana gloria adimplet præceptum Ducis , licet peccet contra legem naturalem ob finem malum. Item quando actus vitiatur solum ratione motivi cuiusdam extrinseci venialiter mali impulsivi , vel se habentis solum concomitanter , tunc satisfit præcepto. Sic qui devotè , & attentè sacrum audit ex motivo intrinseco religionis , licet concomitanter moveatur , aut prius impellatur ex vana gloria , satisfacit præcepto Ecclesiæ : nam ponit liberè actum religionis præceptum ex proprio motivo finali.

*Q. 4. An per unum eundemque actum possunt impleri plura præcepta ?*

*Resp.* I. Non possunt , nisi constet talem esse intentionem præcipientis. Quia Superior aliquid præcipiens , censetur exigere aliud , quam quod jam alias debitum est. Alioquin sœpè non assequeretur finem à se intentum , & frustra imponeret novam obligationem. Sic pœnitens præcepto jejunandi à Confessario imposito non satisfacit per jejunium jam ex voto , vel præcepto Ecclesiæ debitum. Quia Confessarius censetur obligare ad opus alias non debitum , utpote de novo punitivum , nisi aliud exprimat. Item si obligatio per se postulat aliud opus , quam quod jam debitum est , tunc requiruntur plures actus , ut